





纂總糧儲糶務巡撫警高等處地都察院都御史祁彪佳謹

天致禱於



關聖帝君之前曰益聞

上天之於群黎也無不欲生之全之猶  
父母之於衆子也無不欲愛之育



之乃父母加之怒者衆子之開過  
於父母者深也

上天降之罰者群黎之自絕於

上天者大也然衆子之開過於父母也

爲之長者不能率衆子以體父母

之心也群黎之自絕於

上天也爲之牧者不能迪群黎以順

上天之意也是衆子之過皆長之者之

過群黎之罪皆牧之者之罪也今

者三吳之地旱魃爲殃田禾枯槁



支流涸竭億萬生靈如灼如焚閔  
閔皇皇莫保旦夕此固群黎之自  
絕於

上天而降之罰也然問誰爲民牧誰爲

民牧之首者彪佳也彪佳實繫庸

才不堪重任比因初聞

國變不忍辭難乃爾冒昧受事適值  
囂變異嘗未免誅戮太過兼以軍  
事倥偬案牘冗積民有寃而不能  
伸吏有弊而不能發敲撲不能已



於催科盜賊不能絕於閭里此皆

彪佳之罪卽皆彪佳當任之罰也

願

上天誅殛

彪佳

及我二子焚我原籍棲

房數十間以承

上天之顯罰亦猶長子之負媿引慝飯

命投誠于父母也夫罰止於彪佳

之一身一家勿累及于吳門萬姓

則彪佳雖歿猶生也茲者

新主中興惟此東南財賦之區賴爲根



本根本若虧喪亂無日彪佳雖生

猶死也伏祈齋主少效

聖帝俯鑒微誠轉達

上天祚我

明運速降雨澤以潤枯焦使田禾尚

可半救商賈亦得通行實惟

聖帝之靈

庇及下土

彪佳

不勝虔誠祈禱之至



或曰下土

或曰不測

聖帝

吳俗好侈而貧况屢歲書大無東南之力已竭此  
方之望

督撫如望歲焉攬轡澄清之始善政德音奚啻豐  
登之頌不謂天災流行至今日而稱極也殫誠矢  
禱靡有寧日以昭為

國祈天代民請命之意而天高聽遠抑豈至今日而



遂無告乎

齊德

寄讀

關帝廟聚奎閣中見

督撫責躬誓神之文若此父母憫泣於上而衆子  
罔聞知心傷瘁矣敢告士庶願同修省

長洲諸生陳濟德百拜敬述





